

Na osnovu člana 29. stav 1. Zakona o ustanovama ("Službeni list R BiH", br. 6/92, 8/93 i 13/94), člana 10. Zakona o bibliotečkoj djelatnosti ZDK (Službene novine ZDK, broj 8/99), člana 35. Pravila Gradske biblioteke Olovo i Odluke Upravnog odbora broj:01-05/22 od 28.06.2022. godine, Upravni odbor raspisuje:

KONKURS za izbor i imenovanje direktora JU Gradske biblioteke Olovo

1. Opis pozicije direktora

Direktor organizuje rad Biblioteke, zastupa i predstavlja Biblioteku bez ograničenja ovlaštenja i odgovoran je za zakonitost rada Biblioteke.

Bliži opis poslova direktora naveden je u Pravilniku o unutrašnjoj organizaciji i sistematizaciji poslova Biblioteke.

Direktor se imenuje na mandatni period od četiri (4) godine i može biti ponovo imenovan.

2. Uslovi za prijavu na konkurs

a) Opći uslovi:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (Član IX 1.Ustava BiH),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
6. da nije član zakonodavne, izvršne ili sudske vlasti ili savjetnik u smislu odredbi o sukobu interesa u tijelima FBiH,
7. da nema privatni/finansijski interes u Javnoj ustanovi u kojoj se kandiduje,
8. da nije osuđivan za krivično djelo,
9. da se protiv njega ne vodi krivični postupak pred sudovima u BiH,
10. da je zdravstveno sposoban za obavljanje dužnosti direktora.

b) Posebni uslovi:

1. da ima završen VII stepen stručne spreme društvenog smjera
2. da ima minimalno pet godina radnog iskustva od toga najmanje jedna godina u oblasti kulture i informisanja
3. da ponudi Upravnom odboru program rada i razvoja Biblioteke u četvorogodišnjem mandatnom periodu,
4. da ima izuzetne stručne, radne, rukovodne i organizacijske sposobnosti,
5. komunikativnost.

3. Kandidati su uz prijavu dužni dostaviti sljedeću dokumentaciju (original ili ovjerenu fotokopiju):

- Svojeručno potpisana pisana prijava sa kontakt podacima, kratkom biografijom i tačno navedenom dokumentacijom koja se prilaže uz prijavu na javni konkurs,
- Izvod iz matične knjige rođenih,
- Uvjerenje o državljanstvu (ne starije od šest mjeseci od dana objavljivanja konkursa),
- Izjavu ovjerenu kod nadležnog organa da ispunjava opće uslove od broja tri do broja sedam,
- Diplomu o stečenoj stručnoj spremi,
- Dokaz o radnom iskustvu u struci i spremi,
- Program rada i razvoja Biblioteke za mandatni period.

4. Javni konkurs ostaje otvoren 15 (petnaest) dana od dana objavljivanja.

5. Kandidati koji blagovremeno dostave prijavu na Konkurs uz potpunu dokumentaciju bit će pozvani na intervju a o čijem će terminu održavanja prethodno biti obavješteni.

6. Kandidat koji bude izabran dužan je prije konačnog imenovanja dostaviti Uvjerenje o nevođenju krivičnog postupka, Uvjerenje o nekažnjavanju i ljekarsko uvjerenje.

7. Prijavu na Konkurs, sa traženim dokumentima, dostaviti lično ili poštom na adresu: JU Gradska biblioteka Olovo, Branilaca bb, 71340 Olovo sa naznakom: "Prijava na Konkurs za izbor i imenovanje direktora – ne otvarati. "

8. Nepotpune i neblagovremene prijave neće se uzimati u razmatranje.

Upravni odbor